



再校七經離題略

□ 12
2519
5



再按七經雕題略

左氏傳之部

昭十

仁12
2519
6-5

門口仁12
號 2519
卷 6-5

左氏傳雕題略卷之十 據杜氏集解



昭公

元年叔孫豹會晉趙武楚公子圍 劉績曰先書

趙武者亦如宋盟尊中國抑夷狄也

楚子麋卒 楚子實有疾而遇弒若譚弒宄以其疾

赴註瘡疾無據襄七年鄭僖公遇弒以瘡疾赴而

書卒杜蓋以是為例也拘亦甚

傳 將使豐氏撫有而室 林註豐氏指女

於今七年矣 正義八年也而云七年者殷周雖改

正朔常以夏正為言此春正月故為七年二末醫

雕題略卷之十

左氏傳



和則云八年

蒲宮句有前不亦可乎 服虔曰蒲宮楚君離宮言
令尹在國已居君之宮出有前戈不亦可乎

正義令尹居君離宮事無所出杜解云亦無所
案据要愜人情 按服杜兩解並臆度難可信據
然以人情推之服說猶優夫會盟之庭緝蒲為屏
尤不近人情疏以為愜何也

吾伐二子愍矣 服虔曰愍憂也代伯州犁憂公子

圍代子羽憂子哲應劭解同之

字而敬 字豈弟也字敬並在交接上非自愛敬之

謝

言以知物 二事也謂其言之實

取鄆 取者言易也然未有論兵之加未加者註似

泥且杜何以知其兵之未加也

帶其褊矣 褊弊也謂譙二然不中用

處不避汙 汙穢辱也

舉之表旗 表旗猶表識也所望以為法即制度文

物矣非旌旗

虞有三苗 周有徐奄 饕餮不與三苗同杜於文

十八年解四凶以渾敦窮竒檮杌為驩兜共工鯀

惟願

二

聚

星

堂

也而饗饗獨不以爲三苗蓋有所不通也此乃以
饗饗爲三苗何也陸負山曰費誓云淮夷徐戎
並興詩江漢以平淮夷常武以征徐方則淮夷與
徐自別

吳濮有鬻 二謂可擊之間隙非罪過之謂

疆不義也 猶言不義之疆也下引詩亦以赫二宗

周爲不義之疆也不當判疆與不義爲兩項

省穡而用之 穡畜同謂儉節也卽訓爲愛亦是愛

惜之愛非親愛之愛

賦野有死麕 趙子常曰危以喻楚諸侯惡楚公子

圍故欲趙孟安徐馴擾之觀下文趙孟答賦之語
可見

館於雒汭 水內爲汭卽是水曲之內地非謂曲流

爲汭

弁冕端委 端委謂玄端之衣委貌之冠也一句四

字冠居其三似不穩然熟言成語衝口而出者不

足致疑

耄及之者 耄老悖也與八十曰耄者異科此不當

相引

執戈逐之及衝 二道窮而左右折者如丁字

十里舍車 歸取酬幣 終事八反 傳文不言所
舍車數不必論焉可也夫雍絳相去千里亦其概
也乃截然以八百乘充之何也凡是一節註之牽
合尤甚 酬幣舉其重而言耳所取恐不止酬幣
也且其往反偶八反傳因記之用見后子之豪侈
耳杜泥八反句遂撰出九獻之儀其未合又作自
齋其一之說以濟之可謂勞攘矣及一舍八乘二
百乘自隨其有何據哉况傳文所謂千乘亦舉大
數也已何苦布筭費力作是梗說 后子所設蓋
如馳驛雖每驛一車其理同也但多端緒多所載

則車數須多譬十里一驛每驛舍若干車自絳出
命甲馳驛車傳至乙驛乙驛傳至丙驛二相傳
至于雍載物還亦驛二相傳至于絳往還若斯者
八回是爲八反車多則一車一反車寡則一車數
反也如註所云是八項並一來也非八反
國於天地有與立焉 傳遜曰有國者其先世必有
大功德於民故令其子孫享有土地得血食數百
年與天地並立未易傾也 傳遜曰贊助其無道速之
天贊之也 鮮不五稔矣 傳遜曰贊助其無道速之
使亾也故鮮不五稔矣 章昭曰言鮮不至五年

而匹

趙孟視蔭 朝夕不相及 傳遂曰視蔭者知已不能長有此日月而有愛戀之意言不相及者猶言朝不保暮耳

其與幾何 謂無與之者言神人不祐他並倣此困諸阨 自我始 毀車以為行 謂逼敵于儉也

陸負山曰自我始言自我作古耳 毀車全軍皆然 註先自毀其屬車謬以泥上文我字也

兩於前伍於後 偏為前拒 兩伍專參偏皆舊陳法有是名也 蓋以人數多少什伍係屬為名也 其

詳雖不可知也 百人為兩 五十人為偏者 古車戰法也可以見用舊名也 非臨時立名

夕以脩令 林註日之所為夕而念之故以脩飾號令

四姬有省 難言盡出四姬故曰省耳 非據異姬為言

疾如蠱 晉語是句作惑以生蠱於下文 趙文子之問為頌

中聲以降 二殺也 五聲角為中聲而上殺下殺以成五聲故曰中聲以降也 五聲之外則大高大下

也上文陰淫寒疾陽淫熱疾何曾語氣哉此承上文不當別生解杜謬也且女以隨男為陽物則男亦可以帥女為陰物邪不通之甚也
 皿蟲為蠱 皿以盛食物皿中有蟲是食物腐敗化為蟲也亦與穀飛一類矣非器受蟲害
 十一月巳酉公子圍至 月日無誤注自謬耳若以巳酉為十二月六日則邾敖今日死趙孟明日死子于奔晉不得見趙孟矣
 將會孟子餘 會猶言裕也非祭名合祭先祖于孟子餘之廟故曰會也若欲知祭名下文烝卽是

甲辰朔烝于溫 是歲蓋置閏也而甲辰朔謂閏朔也經傳月日皆不誤餘見于襄二十七八年
 二年見易象與魯春秋 易象是易之大小象今所謂象傳也非夕辭若夫夕辭當時諸國皆有之左氏所記周易諸占稱夕辭者可以見矣豈特魯而已夫謂夕辭為象謂大小象為象傳且孔子之筆者皆出於後儒之謬
 國則不共而執其使 陸負山曰國齊國也言齊國不共亦不互執其使
 三年吾弗知齊其為陳氏 弗知者謙不敢必之辭

禮記卷之十
 禮記卷之十
 禮記卷之十

以登於釜 登如字謂漸上而至於釜不可訓成
皆登共焉 不此登亦如字自通不必訓加

三老凍餒而三老不必皆八十以上當以六十以上
為下老七十以上為中老八十以上為上老

三老與三壽不同不得混說其三壽杜亦失解說
別見

或煥休 王若虛曰煥休温煦安息之意

卿無軍行 公乘無人 卒列無長 謂不帶三軍

帥佐職銜僖三十三年晉襄公以再命賞胥臣以
一命 御缺為卿亦未有軍行可徵 無人無長

亦謂職司廢闕也非其人謂

降在阜隸 阜隸賤役不得言官

以樂怡憂 朱申曰怡慢也以淫樂而慢易其憂禍
也

故與叔向語而稱之 傳因記與叔向語及踊賚遂

添記是一語以稱仁言之利耳註護晏子穿鑿大

甚夫晏子叔向一時賢大夫其相與深矣豈容以

常情隱諱而論哉

君子如社 如二字 詩傳社猶喜也

公更其宅 是別營於爽塏者也乃毀里宅為之註

壞里宅以大晏子之宅似謂就舊宅而大之非且諺曰非宅是卜是上疑有脫文不然且字當作曰

君子不犯非禮是虛說小人不犯不祥是實說晏子謙以小入自居

弗知實難弗知者以事之是非可否而言未說及于禍

遇懿伯之忌禮記陳註忌是忌日

其或寢處我林註襄二十八年盧蒲癸謂子雅子尾譬如禽獸吾寢處之矣故子雅畏其不可測以

此為對

書曰北燕伯罪之也左氏發例無定準註舉中示例鑿甚

四年亨神人亨亨通饗同謂為神人所歆饗也劉向新書據此文作享

固陰沍寒沍凍也

食肉之祿是謂在家之食非謂就官食者故曰食肉之祿也言有可食肉之祿者也冰以護肉故以肉為言合註大夫以上食乃有肉故云食肉之祿

至於老疾 林注至羸老疾病之人無不受。老與疾對非指致仕之語蓋老與疾雖非命夫命婦亦受水也乃是兼男女

秋無苦雨 雷出不震 苦甚也久也雨之甚久即

霖雨矣不當以苦屬人 震謂雷擊物若震于夷

伯廟是也

民不夭札 鄭衆曰札疾疫死也

棄而不用 雖藏冰而不以禮出之亦不賦於大夫

即是棄矣是全棄之非棄餘

侍於後以規過 猶御史執法在旁總監督會禮之

失也非偏規二子

寡君將墮幣 傳遜曰墮猶委禽之委也

慶封唯逆命 逆命謂不順於君命猶言獲罪於君

也非論其稟性

作丘賦 丘賦制今不可考魯之田亦然註皆臆

斷不可從但觀國人誦之則賦加于舊矣

穆子去叔孫氏 饋之 願之久矣 宣伯奔齊在

成十六年而穆子之去在其前多年矣既生二子

於齊而饋於宣伯且曰願之久矣其非同奔也明

矣說已見于成十六年

不告而歸既立謂嗣為叔孫氏不指卿位

饗大夫以落之落謂落飲也非釁落與釁義相

近而不同器械曰釁起於鐘以血塗其釁隙也宮

室日落血自屋上落也是分而言之者若落飲則

通曰之落而不曰釁

見仲而何而如字猶言見仲而何所欲為也

求之而至陸負山曰洩憾叔孫召豎牛以致禍故

言汝本自求之至今又何故而去之

使惡杜洩於季孫惡入聲譖也

不亦左乎左猶戾也

王思舊勲而賜之路王之賜路實嘉豹之有禮也

然杜洩叔孫氏之人故為豹謙稱舊勲是言語之

道爾杜不達此意混合兩事作解非也

五年舍中軍魯本二軍襄十一年增中軍為三軍

三家三分公室季氏雖盡征之所入猶不甚多至

是舍中軍復舊制四分公室季氏取二叔孟各取

一然而季氏所入多矣其軍制蓋季氏為一軍叔

孟合為一軍也註仍分三軍則不見其所舍謬矣

陸負山曰魯之軍號傳所不言哀十一年雖稱左

師若師疑亦臨時所命非若晉之三軍楚之二廣

有定制者若爾則傳宜屢書之矣叔孫之軍名尤未見有據

葬鮮者自西門新死曰鮮葬鮮猶言送死也

穆子雖飢渴以死亦在病困之後不飢亦死難言牛殺之又其死年不下六十不得為短折註不以壽終句無所當

大庫之庭據註當作大庭之庫十八年梓慎登大庭之庫可徵

使亂大從 = 縱同

殺適立庶牛之罪實如昭子之言如穆子之死不

全係于牛前已論之註不知餓殺其父是過當臆度之說已



十時 十位 傳文明言有十時乃以十二時強配十位是杜之失也

一日分十二時非三代之制實起於西洋法

○西洋法一日十二時百二十刻故時 = 無奇筭漢用十二時而刻仍依舊百刻故時 = 不勝奇筭可謂拙 唯水漏晝夜十時百刻漢唐至宋明如古法

蓋漢時傳入而循用日久元凱憤看不之察輒以

率谷於古文可謂忘作矣其丑為鷄鳴寅為平且
 尤悖理而後儒沿襲至今不廢何也
 漏刻法分一夜為五時○一夏至五夏
 是古法矣夜既五時矣晝隨可知矣
 按本艸曰異為鷄鳴于五夏者日至異位感動
 其氣而然也是雖傳會之說而鷄鳴之為五夏則
 信矣



關雎

卷一

關雎

明而采融 正是朝時之光景矣如註平且在日出之前則何明之有

離為火 = 焚山 離為火語重複不成文理恐當作離為艮

其名曰牛 以離有牛象故知名為牛而已是句不拘牝牡亦不論吉凶

吾子亞卿也 是句專徵上文當且為祀之語也非謂非正卿不足盡夫且日為卿豈有正亞之別哉

殮有陪鼎 夕食曰殮是又輕於宴者注孰食非重之以睦 陸負山曰睦謂睦於楚

謂其重此 重猶任也言孰任是責者若有能任之

人則可也

叔禽叔椒子羽 劉炫曰叔禽等亦是韓起之族

六年涖之以疆 涖亦臨也註施事謬

作九刑 林註書呂刑疑即是也

無乃戾也 言若敢當此加禮恐以成吾之罪也非不堪為罪

女夫也必匹 夫者賤之也猶言匹夫役夫也

七年暨齊平 穀梁傳胡傳並以爲魯與齊平也

唯左傳亦然杜謬解耳

叔孫姑如齊蒞盟結平也

傳齊求之也平劉敞曰齊求與魯為平也

為主旌以田謂僭擬楚王之旌也不當據周家制

作解

天子經略亦疆也下文封略之內可以見矣經

非正之也林指書曰

願與諸侯落飲也下文新臺之享即是矣

非祭也

使臣請問行期行期會期也昔歲楚侵魯師于蜀

魯請盟此據為故事不言伐而以會為辭故開行

期云爾即是魯公赴會之期矣若見伐之期魯焉

得知之又非所當問

將殺段也劉炫曰段即豐氏注當言駟氏黨字之

誤

立公孫洩及良止謂立為之後也未論及班位

為身無義而圖說從政有所反之為身與從政

對謂為一身而已者是說雖無義可也若從政者

則說不可無義也蓋特立伯有之後是畏厲也非

義即併立子孔氏則有繼絕之義存焉反之謂

異於為身者非反道之謂

始化曰魄陽曰魂。魄者形之神也。為陰魂者氣之神也。為陽未可訓。魄為形下文。魂魄馮依可以見矣。用物精多一物謂奉養之物。馮依於人謂他人不謂賤賤所馮厚矣。馮猶據也。謂其富厚權勢與上文馮依之依異。

飲酒無度。是不須解謂相尚相困蛇足。兄弟急難。急當作活字急之也。且請命。追命襄公。命加之服也。如後世贈位階。

也非如哀策而已。傳特擿其辭耳。非命辭止於此。叔父陟恪。非高圉亞圉。恪疑格之譌。正義二圉之受追命無文。杜以意言耳。聖人之後也。陸貞山曰。僖子所謂聖人乃正考父。非湯也。傳遜曰。以聖人為殷湯則宋皆其後也。何云滅于宋乎。三命茲益共。此三命謂三來受命也。與下文三命指上卿者不同。茲滋同益也。聖人有明德者。有明德者即聖人矣。註之後二字當削。臧武仲之言本泛論。非為孔氏而發。註謬。

我若獲沒，即死也是僖子將死之言焉。用壽終

聖之解，弱行，孟非人也。將不列於宗，弱行不能步也。

五乃是痿蹇廢疾矣，不特偏跛也。下文云：弱足者居

可以見矣。若夫跛能履，未可為非人，不列於宗

謂不與於宗族之齒列也。

嗣吉何建，非嗣也。建有特設立之義，因生解

也。言長子繼父是，須之至不得著建字。今卦曰建

侯，必是非長子也。長子宜嗣者，故稱嗣也。

八年蒐于紅，註固執傳文以經為闕文，吾未見

其可也。

石言于晉魏榆，此即響石矣，非怪

抑臣又聞之，抑發語，抑上揚下之辭。

匪舌是出，苟矣能言，合註不能言者，言溢不出

口，此謂訥言者，匪舌是出，正與巧言如流反對

詩傳，苟可也，引詩斷章例也，註何紛。

自根牟至于商衛，商衛蓋亦地名。

欲治其室，治室而殺宰則先，是梁嬰等亂室可知

矣。治平治之也，非兼弁之謂。

惠不惠，頌也，謂頌於理，其具

殺馬毀玉以葬 喪亂之際葬具無所得焉故玉馬以表心耳非禮厚葬之謂 袁克嬖人也謂之與嬖是衆嬖中之一人矣其為賚無徵注不知何自謂幸至干商

請寘之請私 寘謂舍而不殺也時馬已死玉已毀置之何為私溺也以誑楚人

猶將復由 魏了翁曰由義如尚書顛木之有由蘖 九年陳災 陳雖滅而復興故是年之災仍繫于陳也不必引梁山沙鹿

甘人與晉閻嘉爭閻田 主名不在甘襄故曰甘人

也

允姓之姦 允姓疑即禱杙之後故上文四凶中唯舉禱杙也

后稷封殖天下今戎制之 陸負山曰封殖封厚長殖也制御之也火水妃也 水火亦相畏亦相

助此以相助者而言 按十七年傳云水火之牡也與此互相發火以水為夫水以火為妻是蓋當

時占法以相畏而相助為象也與後世陰陽之言不同

火出而火陳 火出為五月亦互主節氣節氣進則

禮記卷之十一

十一

禮記卷之十一

四月之季火可出且古曆疎漏小出入每有之此
只据所見而言不可深求註長曆可厭

逐楚而建陳此据故陳國封疆而言逐出楚人而

復建陳國也不必為楚衰

弗聞而樂言汝不聞苟盈之喪以告君廢樂而作

樂是耳失官也

外嬖一叔天外嬖與內嬖對前已論之註外都職在

外並謬

事有其物物猶實也

庶民子來子來是比喻非實說詩傳如子輒父

事不召自來也

其以勦民也勦絕也謂死囚若訓勞下文何得曰

無民

十年居其維首傳遜曰蓋言嫫女居於玄枵之首

而妖星見於嫫女之次章昭註周語亦曰須女天

龍之首須女即嫫女也天龍即玄枵也

遭子良醉而騁遂見文子傳遜曰醉而騁者子

良也遂見文子者桓子也

彼雖不信劉用熙曰彼謂樂高也信猶實也

戰于稷二即社稷之稷非別祀右稷者

陳錫載周 此載宜訓乃布陳乃徧也

視民不佻 此視仍是視聽之視猶視民如傷之意

不必據詩傳訓示

孤斬焉在衰經之中 陸負山曰斬焉言哀痛之深

如斬截也 國君既葬釋服是杜之家說前已論

之如是節可以證其謬者故再詳焉晉侯既葬尚

服哀經傳文明甚不復容疑杜乃以未卒哭濟其

說可謂窮矣禮既葬虞卒哭諸侯五虞亦浹旬而

畢其際勿劇諸侯之大夫安得請見焉縱令其請

亦請剋日行禮也非即日欲見矣則晉人安得以

未卒哭之服而辭焉是請見決在卒哭之後也可

知葬後數月衰經在身未可以行吉禮也杜之謬

章 = 明哉

十一年楚子虔誘蔡侯般 名楚子罪之也杜何

因知蔡人之告辭也臆度不足據且可名則名之

不可名則不名是為春秋已即一 = 循告辭而已

則是春秋無權衡仲尼無筆削

然壅也 壅培也培養其惡使早稔也

唯蔡於感 = 憾同 不能猶不善也

不能其民 不能猶不善也

不可沒振 据註則傳文顛倒矣不可從蓋譬於救

溺者也言不可沒水以救也 陸貞山曰物猶人也言不恤小國故物

情不附 美惡周必復 報也言周一紀善惡必有報也

五大不在邊 五大五細其目未詳注亦牽合不足

据大抵總舉衆官而言或曰五官或曰六官其歸

一也大要不過言五官之長總統者在廷而佐使

分職者在邊也 十二年朝而墮 說文窆下棺也墮下土也

為賦蓼蕭 亦只賦首章而已下文昭子敷演論之

也乃是因題生義者不當据昭子之言作賦全篇

有肉如坻 詩宛在其坻傳曰小渚曰坻

瘦皮之子過 瘦皮是大子之傳而過其子也

夏受三命 季子伐莒蓋叔孫之首謀矣故受賞耳

非以例加 湫乎攸乎 湫湫通憂貌攸悠同憂之長也

枚莖之 枚策也用他物莖之不用著也非沉卜之

謂禹謨不必引證 外疆內溫 和以辜負 悔卦比疆也負卦坤溫也

謂禹謨不必引證 外疆內溫 和以辜負 悔卦比疆也負卦坤溫也

比和坤貞並以二卦而言非比一卦之義
 黃中之色也黃之為色不白不黑不青不赤故以
 為中央之色耳非土色之謂
 供養三德為善傳遜曰三德謂忠信共
 夫易不可以占險是汎論易道也非指一爻
 從我者乎乎于親之辭
 泰復陶復陶未詳其物杜以為羽衣不知何所據
 共禦王事禦御通進奉也曰小飲曰飲
 吾刃將斬以喻挫衄之未言及淫慝
 作祈招之詩亦酒誥圻父薄違小雅祈父予王之爪

牙詩傳古者祈圻畿字得通用司馬掌畿內兵
 馬故稱圻父也非官名大司馬名招故稱祈招耳
 註以為世職者謬
 式如金式如玉形民之力金玉取其美也詩易
 所稱可見矣不必言堅重家語形作刑似宜從
 十三年殺公子比立未踰歲未成君也故不
 稱弑君
 圍固城克息舟城而居之既克息舟即築城
 而居之也息舟與固城自別註似混為一何也
 再拜皆厭紐與璧皆別為識也註微見璧紐誤

棄禮違命 章龜屬成然蓋在邾敖之時也故以立
邾敖為棄群望之禮違神命也
同惡相求 無與同好誰與同惡 傳遜曰同惡指
當時同心造亂之人遠居成然等 服虔曰子干
無黨於內誰當與共同心惡者
有寵而無人 寵謂齊顯與下文相照
族盡親叛 親族或死或離畔無所與同心也
王虐而不安 以靈主之虐而無所忌惡於子干則
其人不足畏也可知矣非語靈王將亡
先神命之 先神謂先祖之神也雖祈于群望而埋

璧於廟庭則受命于先祖明矣故曰先神命之也
寵賁四也 謂君陳蔡也與上文相照
其寵棄矣 謂亡在他國也若以父沒則棄疾亦然
上文庶子也者無資寵中之一件矣不得以為斷
案
齊桓晉文不亦是乎 傳遜曰子干在晉乘亂而入
與桓文同耳非言庶賤
子餘子犯以為腹心 魏犢賈佗以為股肱 上稱
五人而下說四士略以適於文也賈佗入五人
數傳文明甚矣註乃云賈佗不在本數是泥信二

唯願學卷之十
世
聚星堂

十三年傳文也不可從說已前見

攝司馬攝權行也非兼官

幄幕九帳以上曰幕在旁曰幄二幕具為一張

瀆貨無厭瀆汚也謂貨財之累

魯朝夕伐我邪莒之慝以取郟一事觀之恐非誣

固然細小侵略經傳不載無所徵但以惠伯之答

唯言君信蠻夷之訐而已與賦青蠅者異矣又下

其文問答無一辨邪莒之誣之語則魯固已招服矣

樂只君子樂只形容君子之德也如詩義下文君

子之求樂即君子求為樂只也非自外樂之

執其老二者執政家相之通稱如孟公綽為趙魏

老是也非尊稱

十四年司徒老祁慮矣下文稱季氏為君南蒯為

子則之二人必是費之有司而季氏之臣也非南

蒯之臣且南蒯邑宰其臣不得有司徒之職

家臣而欲張公室倍臣而張公室必畔其主畔主

為大罪不特越職

義也夫可謂直矣義也夫美之也謂其當義耳如

舊解傳文互云義也乎哉鮒之於叔向若是父

兄有宜為隱者既足子弟何必隱焉杜失權衡

傳遜曰傳中明白深美叔向而再三婉辭揚之何有疑也豈元凱心本不取此事而強以合己意耶
十五年有事于武宮 有事者祭祀之通套非略辭

蔡朝吳出奔鄭 朝吳遭楚大夫之讒豈其罪也哉注罪某不遂讒人何也豈欲其不交一語於小人邪是亦難矣春秋豈有如此之偏急哉

戒百官 戒謂先期告戒也非齋 有三年之喪二焉 古禮妻與長子皆服三年也下文雖遺遂服謂天子亦服三年而弗降也杜並謬

示其家說之弊云 一勤而失二禮 朱申曰二禮謂因喪求器又宴樂以早

十六年發命之不東 頗類大不敬 不聽 東中正也 合註類或作類戾也 不聽不頗也 謂頗於事宜儀而言不可求諸心 不聽不頗也 謂頗於事宜有賦於軍 受服歸服 卿賦不必百乘 自當以邑之大小為差 且夫百乘據周制是方百里之賦矣 小國之卿豈能宰百里哉 註謬 服胙通言之 一也不必戎祭之肉 注泥服字以戎祭解非也 大夫

安有祭於家哉

孺子善哉吾有望矣 謂他日之成就可俟也為其

年少

賦鄭之羔裘 此亦應賦首章不得以邦彥司直作

解

起在此 只言有我在耳此字不可泥

經十七年有星孛于大辰 大辰指心星也而房尾

不與焉諸稱大火亦然

傳唯正月朔慝未作 正慝說已見于莊二十五年

合註平子謬以正月為歲首之月

三辰有災 辰不集于房 月體掩日而日為之食

其理固然亦是後世推步始知之周以前未得其

數故曰辰不集于房以為日行失度不安于其舍

之所致也曰三辰有災謂三辰之中自有薄食之

災也然其意則專在日食也非日月相侵之謂

以雲紀天是與改正朔同義以新民之耳目也不必

言獲瑞下文並微此

鳴鳩氏司馬也 鳴鳩氏司空也 鳴鳩取其猛鷲

而已別之有無此所不論及鳴鳩之平均皆杜泥

詩傳之謬

不能故也 卽上文不能紀遠也非遠瑞之謂
 乃警戒備 謂警戒乎兵戎之備
 除舊布新 朱申曰今火向伏而彗以除之所謂除
 舊明年大火星出必布散為災所謂布新
 夏數得天 合註斗柄所指分為四時夏以建寅為
 正則斗柄東指為春南指為夏是天四時之正也
 是句以見天地人正之說為謬也杜乃復牽強以
 得人正解何也豈欲改竄傳文邪 災四國而衛
 屬水祥則火屬而災者宋陳鄭三國矣火以夏之
 三月而出而三國受災故曰夏數得天也

水火所以合也 傳遜曰傳止云合而不及相勝杜
 何自而知其多少
 權學玉瓚 傳遜曰據說文瓚玉也以瓚為學與玉
 瓚對非珪也 劉貞山曰愚夫餘謂愚夫之言
 長鬣者王人 長鬣者取其狀異常欲使楚人驚愕
 以為神也 同類
 十八年是謂融風 融風疑是祝融之略矣
 將有大祥 大祥猶言大變也註氣字蛇足
 吾不足以定遷矣 子產蓋不全信變異之言故不
 肯遷也又辭以不足定是實說矣非假托

辭晉公子公孫于東門合註晉詛無裔群公子故
吾公子公孫多在鄭火時恐其為變故辭之使處東
門大報

司馬司寇列居火道司馬救火司寇備非常並領
兵衆也非同職

羊羅攝其首攝持也持閉者之頭令不得遂焉

大人患失而惑陸負山曰患失猶論語患失之言

大人懼違衆而失位心志惑亂故徇流俗之說而
可以無學

夫學者殖也所以樹殖培養其躬

其庭小王過期三日庭謂占地也寢占地小毀之

未足以廣地故必欲毀廟以其占地大也陸負

山曰大叔不忍毀廟故過期三日須予產見之而

有後命也

晉無乃討乎君懼討以授兵登陴一事不帶公子公

孫孫

許曰余舊國也合注鄭遷許而得其地故曰余舊

國十二年伯父昆吾舊許是宅今鄭人貪賴其

田襄十一年東侵舊許註曰許之舊國鄭之新邑

經十九年許世子止弑其君買書曰弑其逆謀明

矣。如不舍藥物，必是傳者之鑿解。矢，春秋之旨。及師至，則投諸外。投繩城外，教用登也。婦人未嘗出。

札瘥，矢昏。韋昭曰：狂惑曰昏，疫死曰札，瘥病也。

瘥病也。昏，蠱惑也。並不必死。唯矢，札為死。二十年，傳所以矢昏孤疾者，為暴君使也。當參考。公据注：昏是初生嬰兒之死也。然傳稱二三臣卿大夫之謂也。天下豈有嬰兒而為卿大夫者哉。

私族於謀，即謀於私族也。謂父兄與族人謀。

二十年壬二月己丑日南至。經書正月者，特記首。

月耳與日南至自不相干。傳亦因梓慎之占錄之。

初無意於正曆，且註所云失閏者，其長曆之謬。

又按冬至是周正月之中氣矣。古曆雖疏，恐無以中氣入他月之理也。且冬至為一歲之原，最難遷移者。傳三月必是訛文。當作正月，但與經文正月亦自無相干涉矣。

梓慎望氛。陸負山曰：此或梓慎自望見之。如十八

年登大庭氏之庫，以望火耳。何由知魯侯不行登臺之禮，註當削。

其盱食乎。盱食謂過午而食。

不以回待人 不蓋不義 繫之不善豹之亂皆無
所規正使其自恣焉是以回待人也 弗以豹之
謀告繫是蓋不義也

以五公子為質必免 質繫通

家事無猜 祝史不祈 無猜與不祈自是兩項註

故字失當

不可為也 猶言無所禱也不指誅祝史一事

是句激齊侯使求可為者為之

偪介之關 介間也

億兆人之詛 十萬曰億十億曰兆

亦有和羹 醴設無言 引詩取其既平靡爭也和

羹作實語解可也不必作比喻 詩傳醴設與奏

假同而發 非謂醴與羹

七音八風之七 音指樂器也古稱八音金石絲竹匏

土革木是也唯匏音亦可屬竹音故除匏而數之

以適於行文之順也 現吾人亦

汔可小康 毋從詭隨 言能邇 言不綈 詩傳汔幾

也詭隨不顧是非而妄隨人也能頌習也綈緩也

二十一年君若愛司馬則如匹夫謂軀之出匹也

言今不逐軀 必作亂而死矣為費隧計之軀苟

免於死雖遠在他國猶為愈也

厨人濮辛是司厨賤人矣非邑大夫下文吾小人數

句可徵

子無我廷 詩鄭風無信人之言入實廷女傳曰廷

與誑何定十年廷廷吾兄也註廷欺也

二十二年

王室亂言以王猛居于皇斜註承叔鞅

言而書之鑿甚常刑傳言王室之亂是為閔馬父

之言而發焉非明經所以書 王猛之王猶氏族

也如王季子來聘是也非天王之義

王與賓孟說之 合注說語也

崩于榮錡氏 榮錡蓋人姓名氏者謂其家也

王子猛卒不成喪 書法經自有例猛既立而未踰

年不成君也故不稱王崩耳傳別生義似失經旨

若夫踰年改元者縱令國亂不成喪亦不得不稱

王崩 二十三

年過邾館以如吏 使邾人見之正所以屈

辱叔孫 取其冠法而與之兩冠 法謂其大小長短之制

叔孫先請范子所服冠制而與所適之冠也

吳大子諸樊入郟 正義吳子諸樊吳王僚伯父何

容孫子乃與同名此應得寫誤耳
伐吳以微之微要求其反夫人也

二十四年陽不克莫將積聚也其克字句莫如字
晉陽之不克無乃且積聚乎

誰生厲階厲階猶言禍亂之梯子也
經三十五年公孫于齊孫遁逃之義已見于莊元

年夫微乎以元孫於齊
傳是賤其身也與佗國人語而卑其同列是自賤
之道也賤其宗又甚焉註并

賦新宮新宮是斯干詩取其相好無相猶也

如宋聘且逆之傳遜曰春秋中大夫為同列逆女

者多矣季氏雖強橫而以此罪之非也
六畜五牲三犧陸負山曰從所用而異號也杜解

五牲前用爾雅後從鄭玄於彼所釋六者之名各
取損其一取決肺腸自相乖背良可恠矣十一

年傳五牲不相為用注曰牛羊豕犬鷄牲字人
鬼通之周禮王膳用六牲之類是也此五牲與三

犧對則是人非鬼之用三犧謂牛羊豕
九文五章萃蟲雉也註宜據虞書增入宗彝

五色成文謂之五章註并且如五色備謂之繡尤不

可曉

昏媾姻亞 以象天明 媾合也昏媾非兩事易曰

非寇昏媾是也姻汎指外親之辭並非妻父壻父

之謂 陸負山曰言其親疏倫序比象於天文之

行列 上註以日月星辰解天明則此互云若日

月星辰粲然布列而聯屬也事嚴父共辰極何謬

政事庸力 犬曰政小日事並以公事而言與論語

不同

稠父喪勞 謂其出亾勞苦也非謂死于勞

季氏介其雞 金距 合註介甲也以甲衛其羽使

取勝金距以金飾雞以碎其甲 介蓋以革裹其

膺以拒敵距擊耳非全身披掛者金距以金裹其

距以利之耳

將禘於襄公萬者二人 先君之廟 諸侯六佾六

八四十八人 陸負山曰杜謂別立廟謬矣

公徒釋甲執冰而踞 是狀其伐勝而懈惰也註無

戰心失窾

負罪以出君止 君止是勸公勿出也

使為賈正 賈正是價人之長官知物價掌貨賣之

事者非市吏之比

二十六年公至自齊 凡書至左氏杜氏每以告廟
解此區君不得以告廟解則亦舍而不論焉何其
出入自在也可知告廟之解本不足據也

縛如璜 縛音篆袂包之也襄二十五年間立嬰
公以帷縛其妻是也

粟五千庾 是高氏之俸祿矣言為高氏後則歲入
當獲五千庾也

百兩一布 先入幣財 一布謂一機所織也非布
而謂之布套語耳一機所織色文齊同故曰先入
幣財今沽物者先獻一枚使其審精粗功苦即幣

財之意矣財材通

繇胸汰輶 胸輶通說文輶輶下曲者 胸謂衡也

馬車之衡牛車之輶是一類之物故相通為稱也

猶轅謂之輶 既見于襄十四年

將尤子 猶言豈與子尤乎也謂不尤

苑何忌取其耳 擊林雍適中其耳已非不欲殺之

謂

視下顧 斷其足 林雍在車後邊車高人卑故曰

視下也在後故曰顧也非擬足斷其足亦刺而適

中其足已

萬民弗忍 劉炫曰不忍王之虐也

諸侯不圖而受其亂災 汎稱諸侯非指一國楚豈

能圖王室者哉且夫妖言何必一 二討其歸注謬

群不弔之人 弔矜也謂不弔于天之凶入

思肆其罔極 肆猶遂也

齊有彗星 齊魯接疆彗星在天何見齊見而魯不

見之理哉蓋小夏不書春秋之例也註謬

天道不諂 傳遜曰不諂不濫也

聿懷多福 厥德不回 詩傳聿語辭懷來也回邪

也

取之公也薄 明言取公必是以受於公府者而言

非指收於民者 而謂安其後也

不收公利 謂不攘取當入公室之物也

二十七年先入之道也 亦謂先世以來所行之故事

也非指諸樊以下 故曰

直而和 是狀其為人也與直而溫 二而厲語意正

其同不可分屬 上下半以合

季氏之復 二如字謂將凶而反于其所也

事君如在國 趙子謂日即後賈馬歸從者衣履之

類 公行公室元無告廟之說書與不書豈季氏

之所為

天命不悖 諂同濫也二十六年天道不諂與此

幸同

莫不謗令尹 謗如字以令尹之過惡告于神耳不

必咒詛

使宰獻而請安 劉炫曰燕禮司正命卿大夫以安

今此傳所言亦當如彼請魯侯自安耳杜云齊侯

不在坐非也 服虔說同此 安謂坐也獻酬畢

而坐飲酒也宰獻而請安是齊侯不與行獻酬之

禮也

二十八年實蕃有徒 謂惡正直者之多也非謂其

人乃多徒衆

殺三夫 成二年傳天子蠻殺御叔子蠻蓋其先夫

矣併襄老為三夫是時巫臣蓋未死

顯黑 光可以鑑 正義顯即鬢也詩云鬢髮如雲

鬢毛傳云鬢里髮也 光可鑑偏言髮也不帶膚

長叔姒生男 正義伯季最長叔向欠之其餘諸弟

皆小於叔向也故謂叔向為長叔 向之妻其年

長於子容之母故稱長叔姒也

擇善而從之曰比 故襲天祿 唯善之從也非比

方之謂之襲重也

昔賈大夫惡之疑是晉大夫賈氏豈賈辛之先耶

傳不言賈辛之醜然發是說自賈辛身上起則辛

之不賜可知矣

聞其命賈辛也以爲忠謂相告誡之誠乎也與

王室無于係

退朝待於庭二人朝魏子而退欲有言也仍立于

庭以俟問也非魏子朝君

屬厭而已韋昭曰屬適也厭飽也欲君子之心

易盈飽如此也是三歎之意矣非謂亦宜然小人

自謂君子暗斥魏子

二十九年使高張來唁公只是存問起居也以

其亾國之君也有弔恤之意故曰唁耳即解爲不

受於晉再喪國也則三十一年荀躒唁公者謂之

何

次于乾侯是侯命于乾侯也非不見受而後往乾

侯

君祗辱焉言久於此將受辱也是欲去之意矣

非謂往事齊

執歸馬者賣之賣其人也非賣馬

人實不知非龍實知 御龍氏 知並音智 陸負
山曰言人自不知無擾龍之術耳 御駕馭之也
與參稍別

潛醢以食夏后 潛密也姑隱龍死而醢以獻焉又
不以龍告也夏后食而美之故夏就累求之累無
所得醢以告則顯已之隱欺故懼罪而遁逃也註
並謬

官宿其業 宿 = 戒之宿猶預也言預修其業則物
歸之也

誰氏之五官也 誰氏者指當時帝者而問也下文

少皞氏顓頊氏乃答此也

后土為社 祠后土祠社有大小之分而其神一也

后土與昊天對者社是一國土地神矣

有烈山氏之子 賈逵鄭玄皆以烈山為炎帝之號

即神農矣 魯語祭法並稱烈山氏之有天下也

其非諸侯明矣

一鼓鐵 家語王肅註三十斤為鈞 = 四為石 = 四

為鼓蓋用四百八十斤鐵矣

夷之蒐也 晉國之亂制也 据文六年傳既蒐于

夷立狐射姑又改蒐于董夏立趙盾也此註一蒐

三易失當 亂制謂亂世權宜之法不可通行也
非因蒐生亂之謂
又加范氏易之也 寅之咎連及于范氏則范氏
亦凶矣是易存以凶也
三十年公在乾侯 非公且微過也 合註先是俱
不書公所在以公尚在四封之內至是鄆潰客寄
乾侯故書所在非公內不能繫臣民以安其身外
不能事齊晉以復其國明公之有過也 非公微
過釋是歲之書也非實前年之不書 王陽明日
居猶吾土也在則非吾土矣

敝邑之少卿也 少卿謂下卿

將自同於先王 闔閭志大有文欲為文武所為也
不止於比諸華且比諸華既然之事豈其願欲之
標的哉

若為三師以肄焉 釋文肄又作肆 陸負山曰按

文十二年使輕者肆焉註謂暫往而退也與此傳
所謂彼出則歸彼歸則出意正相類

三十一年在一言矣君必逐之 言事之向背決於
君之一言矣不可姑息焉當以決逐季氏之辭答
之也

夫有所有名而不知其已 傳遜曰言人固貴於有名又有一等有有名不知無名者暗指庶其等也蓋

三所指物之詞 言治玉石曰攻 難謂用力為難事 贏而轉以歌 赤體伏地而轉輾也

庚午之日 始有謫 火勝金 食在辛亥而變始

庚午是必無之理 豈庚午有暈虹重見之類而附會言之耶 今不可考 火之勝金以消鎔之性而言也 非妃匹之義

三十二年會晉韓不信 城成周 狄泉之會命

城周也 尋盟非事之主也 故略不書耳 公在外何論告不告且魯大夫在會則不須自外來告矣

越得歲而具伐之 傳唯言越得歲不論具之得歲與不是等隨文而解可也不當別生枝節且占

侯諸事古今不一其法豈容作泥解 兄弟並有亂心 明言並有亂心必非介子朝一人

是併宗族助亂者通稱兄弟也 如農夫之望歲 望歲之歲猶有年之年謂豐熟也

非來歲之謂 發賊遠屏 發賊喻亂人也指予朝等

遲速衰序於是焉在 言其遲速在諸侯之從違勤惰也是晉則奔走不少懈之意矣

Vertical columns of faint text within a rectangular border, likely bleed-through from the reverse side of the page.

